

دائرة مخصوصه

در سعادتده باب عالی جوارنده

محل اداره :

مستطابق

۱۳۲۶

اخطار :

مسئله کمره موافق آثار جدیده مع المنوئیه
قبول اولیوز

درج آینده بین آثار اعاده اولیوز

دین، فلسفه، علوم، حقوق، ادبیات و سیاسیات و باطالع کرم سیاسی و کرم اجتماعی و مدنی احوال و مشوره املا می دهد و تحت ایبر و هفته ده بر نشر از انور.

آبونه بدلی

سنه لکی

التي آیلنی

ممالک عثمانیه ایچون ۸۰

روسیه » ۶۰۰

سائر ممالک اجنبیه » ۱۷

غروش ۴۰

روبله ۳۰۰

قرانق ۹

صاحب و مؤسسری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی

۲۰ غروش فضله آلیر

عدد : ۷۳

۱۵ مجرم ۳۲۸ پنجشنبه ۱۴ کانون تانی ۳۲۵

اوچنچی جلد

بنفسه ماده غیر عضویه دن تولد ایتیه جگنی غیر قابل رد و جرح بر صورتده اثبات ایتسی و تجربہ و هیچ بر حال و وقعه ایله تطابق ایلماسی بونظریه نیک نه قدر اساسسز اولدیغنی کوستر . پاستورک شایان حیرت بر صورتده بونظریه بی دائره علم و فندن چیقاره جق صورتده رد جرح ایتسی بتون حکمای و حتی مادیونی بیله مراقبه و واردیرمشدر . بوکون بونظریه بی یالکز (اییه نا) دارالفنونی علم حیوانات معلمی (هه کل) جمایه اییدیور ویدیور که « قاربونک ، ازوت و عناصر ماء ایله تصادفی اوله رق امتزاجی پروتوپلاسم و نوددن فرقی اولمیان بر ماده شبه آلبومینه حصوله کتیرمشدر » . (هه کل) بوماده کیمیویه فرضیه بی تکلیف سزجه بر شخص ذی حیات درجه سنه قدر کورتوریور و بوکا (مونهر) نامنی ویریور . هه کله کوره مونهر لر تنسل بنفسه طریقله تولد ایتش ایشخاص ذی حیاتدر . فقط تدقیقات و ظهورات « هه کلک تصوراتی اوچ دفعه و اوچ صورتله قطعی اوله رق تکذیب ایتمشدر . شویله که :

(۱) مونهرک اعلانی حکمای مادیونی سرمست سرور ایده رک هان طبیعتده بونی کشف ایتسه و بوخیاله بر موجودیت حقیقه ویرمک ایستدیلر . (۱۸۶۸) ده (هوکسلی) قهر دریاده مخاط Mucus حالنده بی شکل اوله رق خیالی اولان مونهری بولدیغنی اعلان ایتدی و بونی هه کله اتحاف ایده رک (باتیوس هه کلی) تسمیه ایتدی . بوکشف پک بیوک کورولتی بی موجب اولدی . تنسل بنفسه هر طرفه تصدیق ایدلمکه باشلانندی . فقط مظفرتی پک آز دوام ایتدی . بر قاج سنه صکره (۱۸۷۹) هه کل طرفندن ایجاد ایدیلان (باتیوس) ینه کنندی طرفندن تکذیب اولندی . (۱۸۸۲) ده (میان ادوار) بر ذی حیات ابتدائی کبی تلقی ایدیلن شیئک سونکر و زوئوفیتلر طرفندن افراز و افراغ ایدلمش و آلات صیدیه یه یا پشمش بر طاقم مواد مخاطیه اولدیغنی فنون اقدامی اوکنده اثبات ایده رک تنسل بنفسه یه بر ضربه شدید ایتدیدی .

(۲) بر طرفندن (هه کل) وحید الحجرات صنفندن و فقط نودسز بر طاقم مونهر لر کشف ایدیوردی . فقط فنون خرده بینیه نیک ترقیسی هه کلک نودسز دیدیکی حجراتک نوله اولدیغنی و نودسز صاحب حیات بر حجره اوله میه جننی اثباتده تأخر ایتدی . (مونهر) بر ذات موهوم و هه کلک استعمال ایتدیکی وسائط مشاهده نیک کفایتسز لکنندن متولد بر اثر خطادر .

(۳) هر شیده رغماً (هه کل) عناننده اصرار ایدیور و مونهری تنسل بنفسه نظریه سنی جانلاندیرمق ایچون وسائط بولیور . فقط مسئله بی ساحه تجربیه دن خارجه چیقارارق وارض اوزرنده ایلك ذات ذی حیاتک ظهوری زماننده بنفسه تنسلک وقوعه کلدیکنی ادعایله اوچی بوجاغی بولمناز بر حفرة عمیقه یه آهرق تفتیش و تکذیبی غیر قابل بر احوال ماهرانه ایله افادات مستبدانه سنی تصدیق ایتدیرمک ایستدیدی . فی الحقیقه هیچ صیقله سزین « هر قدر بوکون تنسل بنفسه واقع

اولیور سده هر حالده بدایتده وقوعه گلش و بوسورتله بر ابتدائی مونهر ظهور ایده رک موجودات سائره اوندن تولد ایتمشدر « دیور . و احیفا که علم انساج مونهرک اولدیغنی و فیزیولوژی عالم حیاتک منشئنده بویله بر شیئک بولمیدیغنی اثبات ایدیور . فن اثبات ایدیور که بتون ذوی الحیات اوچ نوع مواد ایله تغدی ایدر : معدنی ، آزوتی ، مولدالماء قاربونی . ینه فن اثبات ایدیور که یالکز قلوب و فیلی اولان یشیل نباتات قواء شمسیدن بالاستفاده هوانک حامض قاربونی تحلیل و قاربونی تثبیت و اونی مولد الماء قاربونی تشکیل ایتک اوزره عناصر ماء ایله مزج ایدر . بنسائ علیه یالکز یشیل نباتات ، یا خود عمومیتله قلوب و فیلی خاصه سنه مشابه بشقه بر ماده بی حاوی اولان ذوی الحیات ، مواد غیر عضویه دن کندیلرینه لازم اولان غدالری تدارک ایدرک بالذات دائم و قائم اوله . بیلور . رنکسز پروتوپلاسمی حاوی (فطور ، میقروب ، حیوانات) کبی ذوی الحیات بویله جه مطلق صورتده یشامغه مقتدر دکلردر ، بونلر یشیل نباتات طرفندن احضار ایدلمش مائیت قاربونی لری صرف و استهلاك ایدر لر . دیمک اولیور که کره ارض اوزرنده ایلك ظهور ایدن ذوی الحیاته دائر بر نظریه قویمق اقتضا ایدر سه فنونک شومطالعانه کوره « ایلك ذی حیات بریشیل نباتدر » دیمک لازمدر . (هه کل) ک مونهر فرضیه سی ارتق بوشرائطه کوره استنادسز قالمش اولور . بو آلبومین کتله سی نصل کنندی کندینه دائم اوله بیلور ؟ قلوب و فیلیدن محروم اولان بورنکسز مونهر ، تغدیی ایچون لازم اولان مائیت قاربونیه بی و یا مواد عضویه بی نصل اعمال ایدر بیلور ؟ اعضوسز ، بنیه سز مخاطی الشکل بر ذی حیات تصور ایتک قولایدر . فقط بویله بی شکل بر کتله دن ذی حیات یا پیغه کلنجه فیزیولوژی پروتستوایدن . فی الحقیقه بر ذی حیات تعضوله برابر برغایه بدیهیه خادم علامت تغدی ونسبی اظهار ایتایدن . و تکثیر خاصه سنه ده مالک بولمایدن . بر ذی حیات ، مورفولوژی و فیزیولوژی نقطه نظرندن بقدر بسیط اولور سه اولسون ینه ک مکمل بر شخص عالی قدر مختلطدر ، مغاقدر . زیرا اعلام حیاتیه بتون ذوی الحیاتده عیندر . مسلک مادیون خطا ایله مالمال بر مسلکدر . بر ضرری ده اوارایسه علم حیاتک ترقیسنه پابند اولمقدر علت غاییه بی و اسباب فاعله بی انکار ایده رک اجسام غیر عضویه ایله موجودات ذوی الحیاتک عینی اولدیغنی ادعا ایتک مدقینک کوزلرینه برده اوله رق دائره تفتیشاتی تحدید ایدر و انسانی نبللکه سوق ایدر .

آنقره لی : علی رضا



بیک بر حدیث شریف

جامع و شارحی محمد عارف بک مرحومک نجل نجیب لری جلال الدین و نجم الدین عارف بک افندیلره .
صراط مستقیم جریده مرغوبه سنک اوچنجی جلدینک آلمش سکنزنجی نومرولو نسخه سنده بیک بر حدیث شریف جامع و شارحی

عالم اسلام

احوال عمومی اسلامیة

و
استقبال اسلام

— ۲ —

اتحاددن، اسلام لواسی التندہ تجمع ایدن بتون افرادك فائده و ضرر ده یكدیگرینه شریك اولق معناسی مرادایسه، اسلامیتك شرفدن غربه قدر بودرجه توسعی، اسلامك عرقاً بر قاج قسمه بولونهرك يك طاغنیق بر حالده اولمیری، اقلیماً یكدیگرندن فرقلی بولونمسی حسینیه احوال خصوصیه لرنده بر تضادك تشكلی ... ودها سائر بر طاقم اسبابك وجودی بو اتحادی يك نظرده امکان خارجنده بر اقیور، اوت، يك نظرده دییهلم. چونكه كوریلن شو اسباب مانعه تدقیق ایدیله جك اولورسه بر طاقم اسباب سطحیهدن باشقه بر شی دكلدر، اوله سه بیله اسلامیت، کندينيك قوت، عظمتیله بولنری برربر اسباب عادیه درك سینه ایندیریور. اتحاد، حیات مسئله سیدر. حالبوکه اسلامیت، دكل بویله حیاته تعلق ایدن مسائلی تحت تأمینه آلامق، حتی اوفق تفك شیلری بیله نظر تدقیقندن کچیریور. بناءً عایه اتحاد طوغری یوریه جك یولزده نه کبی مشکلاته تصادف اولنق متصور ایسه بولنر عادی بر قصوردن عبارتدر. واوگزه سد اسکندر چکسه لر و چکسه بیله اسلامیتك قوانین معظمه سی اوکنده بونك قیمتی آنجق اوروجك یوواسی قدر اوله بیلیر. آنکچون اسلامیتك بو قوانین معظمه سی نظر تدقیقندن کچیرهرك طریق اتحادی بولهلم و بوسایه ده دائماً قولاغمزده ظنین انداز اولان «مالکم لاتناصرون» قول شریفنك حامل اولدینی عتابندن حاصل اولان عذاب وجدانیدن کندينيکی بر آن اول قورتارالم.

[هیچ بر اسلام تصور ایتورمکه بو آیت کریمه یی اوقودینی وقت قلبنی بر عذاب وجدانی استیلا ایدوبده لرزان اوله سون.]



کچنده «مغریده یاشایان بر قارداش، شرقده یاشایان قارداشنی مطبوعات واسطه سیله بوله بیلیر» دیمشدك. اگر اسباب اتحادی یالکز شو مبارک مطبوعاتمزه حصر ایده جك اولورسه قیشلریك قولایلا شور. بر قاج آیات واحادی قارشیدیره رق اونلردن بر قاج شیلر استنباط ایدرك «بتون ملت اسلامیة یی بر نقطه یه جمعه یگانه خادم مطبوعاتدر» دیه حکم ویررز. مسئله نك ایچندن قولای قولای چیقار کیدرز. فقط مسئله ده اطرافلیجه دوشونولهرك اتحادك قیمتدار بر شی اولدینی قدر برده حصولی يك مشکل اولدینی نظر دفته آلتورسه اسبابی ده اسلامیتك اك بیوک ارکانی آرهنندن آرامق لازم کلور، که

پدر مغفورلری عارف بکک ترتیب و نشر ایلدکری کتاب مبارک حقیقه بر اثر معلاهی قیمتدار اولدینی تقدیراً، متمسک دین احمدی اولان امت ناجیه نك صدق طویت دیانتپروویسنه بونخبه و اوصفحه غرای تو سوع ایله آنک فیض بی انتهای لاهوتیسندن تزید فیض جاودانی ایتدیرمک امنیه خالصانه سیله قدس علمای بنامندن نشاشیبی علی رضا افندی طرفندن دست تضرع و نیاز ایله طلب حاجات ایدیلنرك قلوب خاشعانه لرینی روحانیتله طولدوران مکتوبنی اوقودم. کوکلم اوله ایسترکه؛ بو اثر قیمتدار نسخه نادره دن انکشاف ایدرك قلوب صفا پذیر اهل ایمانی خدمات معنویه رحمت آورده مستغرق ایتک اوزره شمس تابان کبی دیده افتخار امته نوین برسترد نورانور ایچنده انتشار ایلسون. «بعثت لاتم مکارم الاخلاق» دستور جلیله جناب مصطفویسیله دائماً تجیل قدری ضمنده نفوس ذکیه مؤمنین و موحدینک قلبیرینه بشارتلی محبتلر، فیضلی سرورلر القا ایلسون. عالم عالی اسعد اسلامیت — بونور شعشعه داردن سراپا تنور ایدرك احتیاجات عصره موافق و تکملات بشریه و مدنییه به باعث بالجمله اقوال و افعالیه هر بر مسلمک ساحه تجده آتیه جنی خطوه ترقی بالخاصه اشبو دستور جلیل نبوینک اولجه عظمت حقیقیته مترادف و مخاذی اولسونده غرب حکمای فلاسفه سی اسلامیتك محکم و متین اساسلر اوزرینه ابتدا ایدن اخلاق نظریه لرینه کسب و قوف ایله نام معالی انسام اسلامی کمال شرفله تقدیر ایلسونلر ... قلمزده طوغان بویکی آماج ممکن الحصولدر. چونکه؛ حکمت اسلامیة ذاتاً بزم اخلاق فکریه اجتماعیمزده تمامیه بر طومش، و استقبالا کده مدنیت عالیه نك غایه سی، قصواسی اولق اوزره کوسترلمشدر. فقط یالکز غیرت ...، همت لازم ... بوقیل حقایق کندينيکی جستجو ایدرکن عقلمه مکتبلر کلدی. مکاتب اعدادی ملکی و عسکریلرده و ولایات دارالمعلمینلرنده بولنان اولاد وطنک بونسخه کبرا ایله استفاده فکریه و اخلاقیه لرینی برقات دها تنیه ایده بیله جک صورته اشبو اثر قیمتدارده مندرج واحادیث نبویه دن مستخرج حکمیات اسلامیة دن بالخاصه اخلاقی، تجاری، زراعی ... و سائر شعبات علم و فنه موافق اوچوز قدرینی جمعه موفقیتله طلبه علومک انظار استفاده لرینه علوم دینیه میاننده وضعی مناسب کوردم. مقصد چا کرانهم؛ ولوکه مورانه قیلندن اولسون اولادوطنه قارشیه معناً بورجم اولان خدمتی ایفا ایده بیلمکدر. فوائد کلیه سی ظاهر اولان بومقصد خیرک حیز آرای حصول اوله بیلمسی ایچون مرحوم مشارالیهک مخدوم نجابت موسوملری جلال الدین و نجم الدین بك افندیلردن بیوک بر صافیتله استیدانه جرأت و جسارت ایلر. واشبو ورقباردنك لطفاً جریده فریده لرله نشرینه دلالت و عنایت بیورمکنزی اسلامیت، و انسانیت نامنه رجا ایدرم افدم.

کورچه جدید ردیف طابوری

یوزباشیلردن مناستری

محمد کاظم بن درویش